

Colaboracion ta un tema importante durante Conferencia di Cuido di Salud 2015

ORANJESTAD - Durante e ultimo reunion interparlamentario IPKO, un di e topiconan cu a wordo treci dilanti, ta e hecho cu ta bira mas y mas importante pa e islanan Caribense y specialmente e islanan Hulandes pa traha mas hunto riba temanan di salubridad publico. Un vision di Ministerio di Salubridad, pa trece mas colaboracion. ImSan ta completamente di acuerdo cu esaki.

Tur e islanan chikito den Caribe ta pasa dor di mesun dificultadnan. E scala di economia, e scala di fianseman cu e isla tin, no ta duna suficiente espacio financiero pa cumpli optimalmente cu nos poblacion.

Aruba por ehempel cu su poblacion di 110 mil hende ya mester ta hopi orguyoso di tur e specialistanan, e especialisacion nan y tur e ekipo medico cu nos tin pa duna e servicio na nos poblacion.

"Pero pesar di esey tin tanto otro posibilidad tecnicamente cu nos no por realisa na Aruba, pasobra kisas nos tin dos of tres di e pashentnan ey pa aña y no ta di ningun manera factibel pa bay inverti miyones pa dos of tres pashent," asina director di ImSan, dr. Joel Rajnherc a splica ora referi na e tema di colaboracion entre islanan den Caribe Hulandes.

Te aworaki Aruba ta manda mayoria di e pashentnan aki, cu ta di riesgo halto of casonan excepcionales, pa Colombia. E calidad di medicina y e tratamento na Colombia ta tremendo, pero ta keda un pais straño pa nos hendenan.

Lo ta hopi mas facil pa nos, sigui tratamento na un di nos islanan ruman cu ta papia nos mesun idioma y cu tin e mesun cultura. Nos ta menos

stranhero eynan. Mas y mas ta realisa cu posibilidad di islanan chikito, si nos pone nan hunto, por brinda un servicio hopi mas optimal.

Dr. Rajnherc ta mira posibilidad di cooperacion entre e islanan como un alivio substancial den e parti financiero. Na momento di manda un pashent den exterior, tur e divisa ta bay afo y ta costa mucho mas. Si bo por brinda e pashent e trato na bo mesun pais, e inversion ta keda den cas.

Na mesun momento si ta trata di ekipo, y ta cumpra un cantidad grandi bo ta cumpra cu prijsnan hopi mas abao. E atencion ta mas grandi, pasobra diripiente bo a bira un compania grandi, bo no ta un chikito mas. Esey lo mester traduci su mes den rebaho ya cu e volumen ta bira hopi mas grandi. Si ta toca tema di training pa nursenan, pa dokternan, door cu tin gruponan grandi cu ta traha hunto y ta traha via e mesun protocol, dor cu bo ta bin cu un grupo hopi mas grandi e prijs tambe



ImSan por a percura pa un grupo di experto di Hulanda duna training na personal di Aruba ya cu e grupo tabata suficientemente grandi. E di dos aña ImSan tabata tin solamente 5 empleado pa sigui e curso y a invita Corsou pa participa pa haci cu e prijs ta

"Colaboracion riba tur tereno ta masha importante. E ehempel aki ta uno chikito, pero e ta e simia, el a duna nos e idea pa sigui cu e colaboracion aki, pa amplia esaki, pa zorg cu nos tin mas servicio- nan cu nos por brinda," asina

trata na Corsou en luga di Aruba, y vice versa.

Na momento di haci servicio riba e ekiponan, ImSan por manda pashentnan Corsou. Si e islanan tin mesun sorto di ekipo, e nursenan sigui mesun entrenamiento, lo por tin un bon "back up." Solamente casonan excepcionales lo mester wordo referi pa Colombia, Merca of Hulanda.



Na Aruba tin hopi baby recién naci prematuro, cu ta wordo manda Colombia. Pero kisas si bin colaboracion cu islanan hunto, mas intensivo di loke ta haci awo, lo no mester bay Colombia mas. Na nos isla ruman Corsou tin scarsedad di luga y si nos por logra cooperacion, por soluciona e problemanan aki.

Health Care Conference tin intencion pa cuminsa desaroya e palabracionnan, pasobra comunicacion ta e prome paso cu bo tin cu tuma pa yega na e funcionamiento practico di e colaboracion. Y ImSan ta orguyoso di por forma parti di esaki, dr. Joel Rajnherc, director di ImSan a agrega. □

ta baha pa persona.

ImSan tin e experiencia ey caba hunto cu Corsou, na unda nos ta traha hunto pa duna e personal di enfermeria di ambulance e training cu nan tin mester. E prome aña

keda pagabel y e calidad tabata tremendamente halto.

Di mesun manera ImSan a invita diferente chauffeurnan di Boneiro pa join den training na momento cu e instructor Hulandes ta na Aruba.

e director di ImSan a sigura.

Otro ehempel di colaboracion ta Radioterapia. ImSan kier bay desaroya radioterapia pa Aruba. Na Corsou esaki ya ta existi y ta mas cu logico pa traha hunto. Por tin momentonan cu un pashent por wordo